

彰德府志



10.15 卷14

10.18 卷15

章德府志目錄

卷首

上諭

聖製

舊序

銜名

凡例

圖說

卷一

天文

地理

卷二

山川

卷三

建置

卷四

古蹟

卷五

學校

書院

義學附

卷六

職官

考表

卷七

官蹟

卷八

官蹟

卷九

選舉

科第

薦辟

貢舉

武勳

封爵

卷十

武備

卷十一

田賦

地畝
起運
墾荒
驛站

科則
存留
耗羨
雜稅

正賦
雜貢
鹽引

人丁
漕糧

戶口
宗祿

卷十二

風土

風俗
物產

卷十三

人物

名臣

卷十四

人物

庶官

卷十五

人物

忠烈

卷十六

人物

孝友

卷十七

人物

儒林
文苑
行誼

卷十八

人物
義行
隱逸
技藝
流寓

卷十九

列女
賢母
賢婦
孝女
孝婦
烈女
烈婦
義女
義婦
完節
完婦

卷二十

完節
貞壽
貞女

列女

卷二十一

寺觀
仙釋附

卷二十二

藝文
制誥
奏疏
書啟

卷二十三

藝文

序 跋

卷二十四

藝文

碑記

卷二十五

藝文

碑記

卷二十六

藝文

碑記

卷二十七

藝文

論 贊 銘 議 考 說 傳
雜著 誌

卷二十八

藝文

詩

卷二十九

藝文

詩

卷三十

藝文

賦

卷三十一

禮祥

卷三十二

雜記

雜行

拾遺

雜錄

彰德府志卷十四

庶官

漢

王賀魏郡人武帝時以繡衣直指逐捕魏郡

河南通志新增

李嵩魏郡人順帝時司隸校尉

河南通志新增

鄭據魏郡人和帝初為司隸校尉奏免執金吾竇景

後漢

書張
酺傳

北齊

陸子章臨漳人父希道魏時定州刺史子章北齊齊州

刺史行懷州事寬大愛人軍政修舉

北齊書
新增

唐

張大象公謹長子官至戶部侍郎

宏簡錄
新增

張大素公謹次子龍朔中歷東臺舍人兼修國史著後

魏書百卷隋書三十卷終懷州長史魏書天文志未

成從子一行續而成之

宏簡錄
新增

張大安公謹第三子上元中歷太子左庶子同中書門

下三品預章懷太子註後漢書太子廢貶普州刺史

終橫州司馬

宏簡錄
新增

張悱大安子元宗時爲集賢院判官詔以其家所著魏

書說林入院綴修所闕累擢知圖書括訪異書使進

國子司業以累免官

唐書
新增

王要漢內黃人王伯當兄先後事李密王世充俱爲汴

州刺史武德三年秦王征世充要漢斬世充將張慈

保以降詔爲汴州總管賜爵鄖國公

內黃縣志新增

馮元淑元常從弟武后時歷清漳浚儀始平三縣令右

善去惡人稱爲神明與奴僕日一食馬日一秣所至

不挈妻子斥俸餘以給貧窮或譏其近名元淑曰吾

性也不爲苦中宗降璽書勞勉付狀史官元淑約潔

過於元常然剛直不及也終祠部郎中

唐書

源光裕乾曜族孫居官清愿撫諸弟友義爲中書舍人

與楊滔劉令植同刪著開元新格歷尚書左丞會選

諸司長官爲刺史光裕任鄭州爲世良吏卒於官

唐書

源洧光裕子以雍睦保家士友推之天寶中爲給事中

襄州刺史安祿山犯河洛爲江陵大都督長史以禦

賊卒贈禮部尚書諡曰懿

唐書

宋

韓璩字子徽國華第五子琦嗣母兄也天聖五年擢進

士高第初任安化軍節度推官丁母憂去官服除再

調權舒州團練判官又爲建昌軍判官慶歷元年吏

部奏課最授秘書省著作佐郎知壽州安豐縣事二

年以疾卒璩少負雋氣聰穎過人每讀書必泯絕外

慮於經史百家一覽卽能誦記尤通左氏春秋爲文

敏速初若不甚經心及成詞壯理脩雖他人精思有

不及者性純易襟量夷坦遇人無賢愚一以誠接之

當官治簿書斷獄訟發抉如神所至以明幹稱

氣磊落事上官未嘗降禮以強顏曲意求薦舉爲

恥故久滯賔幕不得盡其器能

魏公集墓誌新增

傅珏字寶臣內黃人世隆子

世隆見文學傳

少通尚書屢舉不

中第用廕補三班借職累遷至右班殿直初監澶州

酒稅歷齊州離濟寨酒稅廬州巡檢以事去官後監

趙州倉知定州新樂縣復去官已而監博州酒稅以

疾罷歸珏爲人慷慨方嚴家之子弟雖甚愛不命坐

不敢坐其當官明敏果斷在新樂有西山采木卒二

百人謀劫其縣大呼自南門入珏率左右操白挺逆

之卒不意珏遽出皆愕不敢動珏因罵之曰餓兵欲

奚爲粹其爲魁者數人杖各數十而縱之皆俛首去
然不能與世浮沉平視貴要若無人故所至齟齬老
益窮發狂疾棄官歸卧一歲許忽起召家人與談語
言如平生人乃疑其非狂也遂卒葬濟源司馬光爲
銘其墓曰氣直志剛難進易傷善抑不揚其後必自
皆理之常孫堯俞

司馬溫公集

韓正彥字德師璩子嘉祐中知崑山縣劬石堤疏斗門
作塘七十里以達於郡得腴田數百萬頃比去爲

生祠作思韓記

南畿志

崔國華字德夫涉縣乘雲里延福村人讀書善屬文克
盡孝弟時行三舍法國華由縣生入府學外舍未遂

志改入武學外舍治武經練習弓馬獲高薦升入太學十年攻苦不減燈不鮮衣春試唱名第四入第賜承節郎宣和三年授金華縣尉討方賊平餘黨進封

武翼大夫

涉縣志

韓曉字子東忠獻王琦之後紹興二十一年任崇仁縣知縣三載始終如一嚴而不猛詳而不苟邑尚書都官員外郎吳有鄰葬於邑西有發其墓者面如生曉具衣冠殮葬縣尉林栗記其事

崇仁縣廳壁題名記

金

薛居中字鼎臣臨漳人泰和癸亥進士第性剛明果斷所至著稱貞祐兵後至京調登封令有善政

舊志祀鄉賢

祠

盧天錫字子美林州人承安庚申進士調汝州梁縣簿
在任賓客盈門煩於接應乃受代寄居僧寺悄無至
者天錫題詩於壁云當年門外客如雲投刺紛紛恐
後聞今日羈懷寄僧舍灞陵誰識舊將軍又云野寺
重來感慨多其如冷暖世情何相看不改舊時態惟
有亭亭宰堵坡再任臨漳簿惠愛最多遺老猶能道
之舊志

元

蘭簡安陽人貞祐中爲武安令育老慈幼休戚與民同

舊志載宦蹟
配各宦祠

李王安陽人以驍勇智畧聞由顯武將軍歷安陽林慮
令以選例行不勝任者多出之玉獨以廉幹爲當時
所重遂加劄命以光寵之後致仕卒玉天性嚴謹明
察處事爲時循吏

分見鄉賢
名宦傳

明

安陽

李顯字道彰安陽人成化丙戌進士授翰林院檢討事
吉王後拜長史再改楚府宏治辛亥卒年五十一顯
介持有志不輕下人士舉進士卽圖陟要地富貴可
契致而長史終身事藩邸當選授時多稱病避或托
貴勢請免顯曰士筮仕卽擇便利耶必如公等顧令